

武城曾氏重修族譜叙

【清】

衍相序

譜者，叙氏族之所自出，支派之所由分，而家運之盛衰，亦於是徵焉。

我旧譜稱：夏禹別姒氏，至五十五傳世子巫奔魯，易鄩為曾。越五傳，宗圣居武城。裔虽衍各省，而老譜悉以武城統之者，盖不忘土著也。越十傳，上谷太尉浼生旃、

光。光裔子枋家长沙，此由山左来楚也。

旃裔武威太守宝之后关内候据，不仕新莽而南迁，此由山左家江右者也。越十九传尚书丞，生珪、旧、略。南丰房，略也。

泷潭、木塘源，现袭翰博等房，我祖珪也。

吴大史云：西汉末渡江而南，山东之曾无焉。盖昔日江右之曾，其先本山左，厥后

山左之曾，其先又江右，事靡定，互徙也。今我楚南族人，非了枋后即珪、旧、略后矣。其分支晰系，具详於谱。修谱诸公、余弟衍詠述之备矣。

衍泳今与大宗人翰林纪连有综谱之役，乃属余以监，余虽以一官匏系，然义不敢辞也。兹与此房首事共竣乃谋，不觉慨然感

之矣。

尝阅翰林巽申家藏谱，其祖十五传，父子并为御史，孙中承常侍；及观大学士《肇谱·叙》南丰三祖两司空一常侍。大史吴澄论曰：武城之曾盛於鲁，越十数百年，而南丰之曾盛於宋。又数十年，永丰之曾盛於宋，父官御史，子居翰苑。而其最盛

者子榮又大魁天下。然不独我泮潭房盛也。外此，伯高、蒙简、椿龄、鹤龄，追序辈，祖孙父子兄弟，高膺鼎甲。然又不独泰和房盛也。即我楚槐之后探花可前，宏儒后探花朝节，民远后太子太保鑑，亦可与江右山左遥相辉映也。迨后衰矣。然忠厚相传、书香不绝。且蒙圣朝优重，翰林博士

而世袭之、尚可与里中故家而相抗也。

论者以衣冠之众寡，徵祖德之隆替；以爵之崇卑，证宗族之荣枯，而吾以为不必专在此也。王充曰：超行者有常贤，仕宦无常遇，有常贤，无常遇，士何愧焉？无常遇必有常贤，所欲与我族人怀申椒以俟岁芳者也。

族之子弟勉乎哉。一贯忠恕，三省诚身、家学渊源，不待他求矣。

果能积学修身，歌声金石，则鲁可化而道可传，又何患家运之不盛乎哉！

谨告族人，各自树立，以承先德，以振家声，庶无愧为宗圣之苗裔云。

时

皇清嘉庆七年壬戌嘉会节前二日庚寅
由外翰林征苗有功，权就宁乡县教、

敕授修职郎

六十七派 东皋 衍相字翊宸

甫沐手敬撰